

PANTULONG SA PAGPLANO NG PAGSAMBÁ

**3 Linggó ng Pagdating - B**

2017-12-17

Leksyonaryo Bilang 8

**MAAARING AWIT SA PAGTITIPON**

Balang Araw  
Bayan, Magsiawit na!  
Halina, Hesús, Aming Mananakóp

**PANGINOÓN, KAAWAÁN MO KAMÍ.**

**LITÚRHIYA NG SALITÁ**

**UNANG PAGBASA**.....Propeta Isaias 61:1-2a, 10-11

Pagpapahayag mula sa Aklat ni Propeta Isaias

Pinuspos ako ng Panginoon ng kaniyang Espiritu.  
Hinirang niya ako  
upang ang magandang balita'y dalhin sa mahihirap,  
pagalingin ang sugat ng puso,  
palayain ang mga bihag at bilanggo.

Sinugo niya ako,  
upang ibalitang ngayo'y panahon  
nang iligtas ng Panginoon  
yaong mga tao na hinirang niya.  
At ang Jerusalem sa ginawang ito'y pawang malulugod,  
anaki'y dalagang gayak ay pangkasal, siya'y parang dinamtan ng kaligtasan at pagtatagumpay.  
Kung paanong ang binhi ay tiyak na tutubo at sisibol,  
gayon ang pagliligtas ng Panginoon sa bayang kaniyang hinirang.  
Dahil dito,  
lahat ng bansa ay magpupuri sa kaniya.

Ang Salita ng Diyos!

**TUGÓN SA SALMO**

Sa Poong D'yos malulugod ang hinirang niyang lunsod!

Isaias 61:10b

Vic Romero

♩ = c. 100

D A

Sa Po - ong D'yos ma-lu-lu-god and hi-

ni - rang n'yang lung - sod. Sa Po - sod.

Ang salin sa Tagalog ng Tugón sa Salmo mulá sa *Ang Pagpapahayág ng Salitâ ng Diyos*  
 © 2006 Panayám ng mga Katólikong Obispo sa Pilipinas,  
 Lupon Rehiyonál ukol sa Tagalog sa Litúrhíyâ.  
 Tugtugin © 2017 Vic Eclar Romero. magsimba.com. All rights reserved.

**SALMO:** Mabuting Balita ayon kay San Lucas 1:46-48, 49-50, 53-54

Ang puso ko'y nagpupuri sa Panginoón,  
 at nagagalak ang aking espiritu dahil sa Diyós na aking Tagapagligtas.  
 Sapagkat nilingap niyá ang kaniyang abang alipin! At mula ngayon,  
 akó'y tatawaging mapalad ng lahát ng salinlahi.

Dahil sa mga dakilang bagay na ginawa sa akin ng Makapangyarihan  
 – Banal ang kaniyang pangalan!  
 Kinahahabagan niyá ang mga may takót sa kaniyá,  
 sa lahát ng sali't saling lahi.

Binusog niyá ng mabubuting bagay ang mga nagugutom,  
 at pinalayas niyang wala ni anuman ang mayayaman.  
 Tinulungan niyá ang kaniyang bayang Israel,  
 bilang pagtupad sa pangakó niyá sa ating mga magulang.

**IKALAWÁNG PAGBASA** ..... 1 Sulat sa mga Taga-Tesalonika 5:16-24

Pagpapahayag mula sa Unang Sulat ni Apostol San Pablo  
 sa mga taga-Tesalonica

Mga kapatid:

Magalak kayóng lagi;  
 maging matiyaga sa pananalangin.  
 Ipagpasalamat ninyó sa pangalan ni Kristo Hesús  
 ang lahát ng pangyayari,  
 sapagkat yaon ang ibig ng Diyós.  
 Huwag ninyóng hadlangan ang Espiritu Santo.  
 Huwag ninyóng hamakin ang anumang pahayag mula sa Diyós.  
 Suriin ninyó ang lahát ng bagay at pulutin ang mabuti.  
 Lumayo kayó sa lahát ng uri ng kasamaan.  
 Nawa'y lubusan kayóng pabanalín ng Diyós  
 na siyang nagbibigay ng kapayapaan.  
 At nawa'y panatilihin niyang walang kapintasan  
 ang buo ninyóng katauhan –  
 ang espiritu,

kaluluwa,  
at katawan  
– hanggang sa pagparito ng ating Panginoóng Hesukristo.  
Tapat ang tumawag sa inyó,  
at gagawin niyá ang mga bagay na ito.

### PAMBUNGAD SA MABUTING BALITÀ

Espiritu ng Maykapal nasa akin upang hatdan ang mga dukha ng aral.

**MABUTING BALITÀ**..... Juan 1:6-8, 19-28

Ang Mabuting Balita ng Panginoón ayon kay San Juan

Sinugo ng Diyós ang isang tao na nagngangalang Juan.  
Naparito siyá  
upang magpatotoo tungkol sa ilaw at manalig sa ilaw ang lahát  
dahil sa patotoo niyá.  
Hindi siyá ang ilaw kundi naparito siyá  
upang magpatotoo tungkol sa ilaw.  
Nang suguin ng mga Judio sa Jerusalem ang ilang saserdote at Levita  
upang itanong kung sino siyá,  
sinabi niyáng hindi siyá ang Mesiyás.  
“Kung gayo’y sino ka?”  
tanong nila.  
“Ikaw ba si Elias?”  
“Hindi po,” tugon niyá.

“Ikaw ba ang Propetang hinihintay namin?”  
Sumagot siyá,  
“Hindi po.”  
“Sino ka kung gayon?”  
tanong nila uli.  
“Sabihin mo sa amin.  
Ano ang masasabi mo tungkol sa iyong sarili?”

Sumagot si Juan,  
“Akó ‘Ang tinig ng isang sumisigaw sa ilang:  
Tuwirin ninyó ang daraanan ng Panginoón!’ ”  
Ang propeta Isaias ang maysabi nito.  
Ang mga nagtanong ay sugo ng mga Pariseo.  
Muli nilang tinanong si Juan,  
“Bakit ka nagbibinyag,  
hindi pala naman ikaw ang Mesiyás,  
ni si Elias,  
ni ang Propeta?”

Sumagot siyá,  
“Akó’y nagbibinyag sa tubig,  
ngunit nasa gitna ninyó ang isang hindi ninyó nakikilala.  
Siyá ang susunod sa akin,  
subalit hindi akó karapat- dapat  
magkalag man lamang ng tali ng kaniyang panyapak.”  
Ito’y nangyari sa Betania,  
sa ibayo ng Jordan na pinagbibinyagan ni Juan.

### HOMILYA

### PAGPAPAHAYÁG NG PANANÁMPALATAYÀ

**PANALANGIN NG BAYAN**

- . . a. Para sa Simbahan, ang Bayan ng Diyós
- . . b. Para sa mga Kinaúukulan
- . . c. Para sa Nangángailangan, Naghihirap, Maysakit at Yumao
- . . d. Para sa mga Dumaló sa Misa Dito at Ngayón

**LITÚRHIYÁ NG EUKARISTIYA****MAAARING AWIT SA PAG-AALAY**

Awit (Salmo) 017

Panginoón, Hanggang Kailan? | Danny Isidro SJ; Fruto Ramirez SJ

Panalanging Maging Bukas-Palad

Tubig ng Buhay

Linikha Mo'ng mga Bituin (Conditor Alme Siderum)

**SANTO, SANTO, SANTO****PAGBUBUNYÍNG PANG-ALAALA****DAKILANG AMEN****PANALANGIN NG PANGINOÓN****KORDERO NG DIYÓS****MAAARING AWIT SA PAKIKINABANG**

Puso ko'y Nagpupuri, Ang

Awit (Salmo) 063: Awit ng Paghahangad

Awit (Salmo) 063

Liwanag ng Aming Pusò

Panginoón, Masdan Mo

**MAAARING AWIT SA PAGHAYÒ**

Tanda ng Kaharian ng Diyós

Halina, D'yos Mesias (O Come, Divine Messiah)

Halina, Hesús | Rene Javellana SJ at E.P. Hontiveros SJ

Halina, Hesús, Aming Mananakóp | Danny Isidro SJ at Nemy Que SJ

Sa mga sulat-tugtugin, ang « ng » ay isinusulat na « nang » at ang « mga » ay « manga ».

Palitán ang « Yahweh » ng « Poón »; ang « si Yahweh » ng « ang Poón ».

r

Nagpapasalamat sa mga mungkahing awitin  
sa Lupon ukol sa Litúrhiya sa Tagalog.

3 Linggó ng Pagdating - B | 2017-12-17 | Leksyonaryo 8 | Gulóng B  
Halaw ang mga Pagbasa sa Magandáng Balitá Biblia © 1980 Philippine Bible Society.

[www.bible.org.ph](http://www.bible.org.ph)

Litúrhiya. Filipino. [www.magsimba.com](http://www.magsimba.com)